



Regulativ pil menaschi dil Center da sport e cultura (CSC)

Revisiun parziala

M E S S A D I

dalla suprastanza communal a al cussegl da vischnaunca

Preziau signur president
Preziadas signuras cusseglieras
Preziai signurs cussegliers

Il 12 da december 2008 ha il cussegl da vischnaunca approbau la revisiun dil regulativ pil menaschi dil Center da sport e cultura (CSC) e mess quel l'entschatta 2009 en vigor. Quella revisiun ei succedia en connex cun las refuormas digl onn 2008 che han giu

l'intenziun da simplificar las proceduras, raziunalisar la lavur ed augmentar l'efficienza. Sco menziunau el messadi nr. 41-2006/2008 ha il cussegl da vischnaunca surdau alla suprastanza communal la cumpetenza d'eleger sper la cumissiun Premi Desertina, la cumissiun biblioteca populara, ils delegai dalla Corporaziun schigentera solara da gliet Cadi era la cumissiun da menaschi Center da sport e cultura. Quella cessiun da cumpetenzas ei succedida sut igl aspect da rinforzar e migliurar las funcziuns parlamentaras en quei senn, ch'il cussegl da vischnaunca seconcentreschi sin las damondas strategicas.

Situaziun

Gia dapi quendis onns vegn il CSC menaus entras ina cumissiun da menaschi. Aschia vegn menau pil CSC in quen separau che sebase sin in preventiv global che lubescha ina pli gronda libertad d'agir. Quella sliaziun ei secumprovada e promova era la fiera libra sin quei camp. La decisiun d'administrar il CSC a moda independenta ha il cussegl da vischnaunca priu igl onn 1999 suenter che l'Uniun da cura e traffic Mustér resp. Sedrun Mustér Turissem ha giu remess cun la fin da gliez onn l'administraziun dil CSC. La basa per quella decisiun ha il rapport d'ina grupp da lavur formau, la quala ha analisau igl entir menaschi e presentau propostas concretas.

A vesta dalla gronda impurtonza economica dil CSC per vischnaunca e regiun ei repetidamein vegniu realisau grondas investiziuns ell'infrastructura. Mo grazia a quella purschida ei la realisaziun da grondas purschidas pusseivlas sco p.ex. radunonza generala Raiffeisen Cadi, festival da giuvens cantadurs, di da viandar svizzer. Quellas occurrenz han era ina radiaziun regionala e naziunala.

Il regulativ da menaschi sco era la cunvegnientscha individuala da prestaziun ein secumprovai. Il cussegl da vischnaunca ha denton ofniau il giavisch da puspei vuler eleger sez la cumissiun da menaschi Center da sport e cultura, quei sebasond sin art. 36 lit. a dalla costituziun communal. En connex cun quell'adattaziun dil regulativ san aunc suandontas precisaziuns dil regulativ vegnir fatgas:

Midadas

Cuort commentari tier ils singuls artechels revedi:

artechel 3 1. alinea	La secunda construcziun ei buca necessaria e sa consequentamein vegnir strihada.
artechel 3 3. alinea	Il quen ed il preventiv global ein da suttametter annualmein (enstagl alla suprastanza communal) al cussegl da vischnaunca per approbaziun. Quei vegn gia applicau.
artechel 4	L'elecziun dalla cumissiun da menaschi succeda conform alla costituziun communal entras il cussegl da vischnaunca.
artechel 7 lit. e	L'elecziun dil meinafatschenta duei sin proposta dalla cumissiun da menaschi succeder entras la suprastanza communal.
artechel 8	Sa vegnir strihau, cunquei che l'indemnisaziun succeda conform al regulativ da salarisaziun communal.

Ponderaziuns

La fin 2008 ha il cussegl da vischnaunca delegau alla suprastonza communal la cumpetenzza d'eleger la cumissiun da menaschi CSC. Mo sis onns pli tard giavischa il parlament da puspei eleger sez la cumissiun.

La suprastonza communal ei dall'opiniun che la decisiun dil cussegl da vischnaunca d'avon sis onns seigi stada la dretga cun depolitar la cumissiun da menaschi CSC. Quella reglamentaziun ei secumprovada e perquei ei la suprastonza communal dil meini da mantener quella era vinavon. Per esser consequents, stuessen era las ulteriuras cumissiuns menziunadas sin pagina dus dil messadi vegnir eligidas el futur entras il cussegl da vischnaunca e buca entras la suprastonza communal.

Sin expressiv giavisch dil cussegl da vischnaunca per risguardar art. 36 lit. a vegn la suandonta proposta tuttina suttamessa per decisiun.

Proposta

Sebasond sin sura consideraziuns

propo na

la suprastonza communal al cussegl da vischnaunca da:

- approbar la revisiun parziala dil regulativ pil menaschi dil Center da sport e cultura (CSC).

Suprastonza communal Disentis/Mustér

Il president:

Il canzlist:



Francescg Cajacob



Andri Hendry

Disentis/Mustér, ils 22 da december 2014